

湖
北
金
石
志

金石志四

唐

襄州刺史鄒襄公張公璉碑

佚

釋法琳撰蘇敬稚正書貞觀七年七月立碑今亡佚在襄

州
寶刻類編

重修金枝寺記

未

金枝寺殘碑岑文本撰正書貞觀十年湖北襄陽寰宇訪
碑錄

馬案右金枝寺殘碑題重修金枝寺記未題唐貞觀十年丙申歲中和月岑文本撰正書字徑九分碑久湮沒乾隆五十七年冬江陵縣東南百二十里土人掘地得殘碑七

小塊共存九十字又不全四字按梁書南史梁無胡后昭
明太子母爲丁貴嬪碑云胡太后不知所指又唐書岑文
本傳文本棘陽人家江陵貞觀中代顏師古典詔誥號善
職而敏速過之是記爲文本撰當是極拙惜殘缺不能讀
耳書碑人姓氏亦缺然結體雅勁有當時虞褚之風湖
金石

詩注

法門寺記

佚

唐法門寺記沈季範正書貞觀十一年二月十五日立

復齋

碑錄

沈季範書貞觀十一年二月十五日在襄州寶刻

眾造寺碑

佚

司馬秀辯撰文字競書貞觀二十一年四月八日立在斬

州

寶刻類編

仁壽元年碑

佚

仁壽元年碑在安州無撰書人名

張寅安州志

隋處士羅靖志

佚

處士以仁壽四年五月二十三日終夫人張氏於唐龍朔

二年終合葬於習池

復齋碑錄

襄陽有隋處士羅君墓誌曰君諱靖字禮襄陽廣昌人高

祖長卿齊饒州刺史曾祖宏智梁殿中將軍祖養父靖學

優不仕有名當代碑字畫勁楷類褚河南然父子皆名靖爲不可曉拓拔魏安同父名屈同之長子亦名屈祖孫同名胡人無足言者但羅君不應爾也

附錄

隋處士羅君碑字畫可喜而不載昔人名氏初余至襄州刺史館余於州治之東地有木龜廢網如積埽滌而視之此碑也遂撫得之去年春余復有荆襄之行訪此碑則曰卒吏輩寶持不虔碎而棄之矣可謂不幸也昔林邑王楊邁死子咄立慕其父德改名楊邁昭穆兩世而一名余每笑歎謂天下事何所不有今羅君之父名靖而羅君亦名靖殊不可曉羅君以仁壽四年卒夫人以龍朔二年葬自隋仁壽四年訖唐龍朔二年則夫人之守志蓋五十有九年以壽終亦可尚矣

集古錄

六祖墜腰石題字

行題五字分書
餘止書在黃梅

六祖墜腰石

龍朔元年

□黑齋居士蔣□勒石

塊石繩穿祖跡畱曹溪血□此中收應□一片東禪月□

□□□四百州

□□□四祖遠孫□□□□

曹溪通志師往黃梅五祖著槽廠去後至碓房見師腰石
春米龍朔元年師受衣鉢南歸石畱黃梅至明嘉靖間韶
州人有仕黃梅者遂持歸曹溪今存焉中一行鐫師墜腰
石盧居士誌八字右龍朔元年左桂林龔邦柱書核六祖

傳云造黃梅尋忍大師適咸亨二年也龍朔在咸亨之前
十年石上之字當屬後人所刻故年月不符耳翁方綱粵東全石略

出西郭門過東禪寺謁四祖五祖六祖像殿側竹圃卽槽
廠故蹟有六祖降腹石舊來志

荆南戒壇舍利發

佚名
文錄人唐

余等登趾荆岑搜罔奈徵承律謨於上德聞所未聞稟清範
於靈增日新日損是以皇覺慈訓弘之狂人祇樹高風幽心
祥感幸逢嘉會瘞靈骨於福壇元網載羅想德禮之未遠不
勝手舞景仰神光敢述以獻乃爲贊曰

覺智圓明應物唯靈非滅示滅無生現生爲人演法三學開
津場壇肅穆戒德氤氳金河晦影鶴樹澄神能仁散體多寶

全身奇光昭晰嘉瑞攸陳二端尙在八斛猶均厥後無愛爰
初啟信近護分光靈墳是鎮靈墳現奇震嶺標基扶風散采
淮海騰輝粵自荆岫尋眞太一希世之風載揚茲日壇模山
像登頓有秩鎮以遺身幽誠云畢願言遐曠克念崇尚識鏡
澄明心河靜浪庶劫名之方消鼯神珠於妙相

戒壇舍利贊無行撰乾封中在江陵

金石錄

長樂寺鐘

佚

荆門軍咸亨鐘在長樂寺鑄字云咸亨十三年

輿地紀勝
按咸亨

止四年此
十字誤衍

延福寺浮圖記

佚

大唐延福寺浮圖記咸亨四年創沈長卿纂文張元靚書
在均州輿地碑記目

延福寺碑

佚

沈長卿撰張元靚書上元三年正月在均州

寶刻
額闕

延福寺碑在鄖鄉縣乾明寺上元元年王府功曹沈長卿
撰後火焚碑湮毀興國中僧海清于坎陷中依堵牆整之
如故

輿地碑
記目

嚴寺西德義社浮圖銘

佚

儀鳳二年四月八日立在鳳林山

復齋
碑錄

儀鳳鐘

失

儀鳳鐘唐元皇帝像及唐銅鐘在郡北龍興觀內有元皇帝像及唐儀鳳二年歸州刺史董寄生所造銅鐘重千斤

輿地碑記

孝昌公許君墓碑

佚

安陸之東三十里乃唐許氏之塋域俗謂之相公林舊有孝昌公碑高六七尺闊三尺餘白石也吾聞石自者不泐村民輒異之或遇水旱則就禱焉治平中縣令張摯言於太守周君變且以爲玉碑輦而視之非玉也棲鄉校之南廡已而有欲用者方磨去十餘字會鄭獬以內相還里卜葬遂止之得不盡滅其文字後余遊宦歸見其碑悉爲人

膺治惟其額有書大唐孝昌父公許舊碑九字恨無墨
本以藏親友朱又叔見余屢歎乃出一本以遺余所存者
序四百字銘二百八十六字耳文多缺落於序爲甚其可
讀者有曰先王宅土仗懿親而建侯我后得人□關河而
作牧七年入朝加授大中大夫使持節冀州刺史云云履
直道於朱繩照全形於白璧抑貪競之俗恩浹二天屏權
右之門威加重輶又曰行趨露冕之輜坐列交衢之棘二
年有詔追遷太僕少卿又曰長史公以儀鳳三年正月日
薨於汾州之官舍春秋六十有二又曰嗣孫崇藝易州司
馬五回軍使英姿外發靈鑒內融又曰趨毅梓之鄉關用
標幽蟹何止韋孟之光緒祖德垂裕後昆劉寬之傳芳故
吏式昭往烈崇藝崇述崇烈云云銘曰炎圖括地姜派流

天融斤孕火太岳飛煙絳諾帝若業冠象賢頽澨珍箕
山韜寶儀刑邦幹經綸天造華陽啟國襄城訪道漢劍舒
蓮周珪映藻運移赤野威懷楚望八翼飛正三刀集貺英
蕤早舉仁風曉暢丹水濯圖黃星昭亮恩狎聖齒績恭龍
躍銘旆雲道實享天爵青蒲奏牘赤野馳英陸勦柙兕水
斬奔鯨闢區恩暴夏口先鳴晉俗康阜軒轡澄清金根桉
禁訏謨鶴省蘭鈞書嚴鉤陳夜警軍容甚泰王功載清地
軸東距天津南渡狼望云云桉唐書許紹初爲峽州刺史
封安陸郡公以破肅銑功擢其子智仁初以勳封孝昌縣
公終涼州都督此碑乃智仁之墓碑也

史塵

啟法金銅無量壽佛碑

佚

張昌齡撰吳知禮分書于治元年四月八日建竇

碑額

啟法寺金銅無量壽像碑張昌齡文永治二年建在襄陽

龍興寺

輿地碑記目

襄陽孔子廟堂碑

侯

襄陽孔子廟堂碑于敬之撰正書無姓名垂拱元年立其前題魯大司寇贈太師官尼父孔某廟堂碑銘春秋之法或書字或書名皆所以寓褒貶之意今敬之爲孔子廟碑而斥其名何哉金石錄有

襄陽孔子廟堂碑

侯

撰人姓名殘缺宋之慈正書垂拱元年十月立字畫頗佳

之懸之間弟也

金石錄

襄州刺史封公碑宋之懸書垂拱元年十月立在襄州

寶刻

類編

益功參軍張玄弼墓誌

存正書在襄陽張公祠

唐故益州大都督府功曹叅軍事張君墓誌銘并序

司元大夫李行庶撰

府君諱玄弼字神佳范陽方城人也閥閱遊窟之資詳之碣
文別傳五歲而孤志學伏膺於大儒谷頊律律爲諫議大夫
紹書秘府府君以明經擢第隨律典校墳籍八儒分畊五墨
殊途劉歆析九流之區域鄭默辯三閣之同異五十五部冊
四家訪鹽朔之新書禮窮莊敬覽南陽之統論易盡精微緘

資秘文委豐前記並登靈府一以貫之逸思煙迴清飈霞舉
言同神遇理叶而成七徵職爲益州府功曹叅軍事以賢良
徵冊入甲科未拜職以饑朔元章五十五十九終於洛陽春秋
五十有五夫人吳興王氏以永昌三章九十五三終於私
第春秋七十有九東之識不遠遠稟質愚昧趨詩禮之訓承
顧復之恩早預微班驅馳賤後自禍若吳諸弟皆幼夫人勞
斷織之訓深噬指之慈刻心提耳孜孜不倦今蘭發玉暉多
從化往唯東與晦僅存喘息三復規誠萬古不追奉夫人遺
誨使政上新瑩府君先究南山今移興夫人合葬於安養縣
西相城里之平原府君友人司元大夫李行廉撰銘柬之等
不敢改易謹刊李銘以存不朽其銘曰

廷尉名卿東阿良相積慶鍾美清徽遐暢顯允哲人克標令

望憲章顏舟牢籠舒向氣芳蘭芑價重璵璠望之逾肅卽之
也溫高情④舉逸調霞軒彫章綺合縟藻○繁爰靈筮仕彈
冠奉檄式佐名邦盤根遠折乃昇州部平反著績孰謂蹄涔
能申海擊濯纓金狄主吏銅梁善立惟敬謙道以光白生虛
室穎曜錐囊焚林岱秀遠應明墩縱掉江波觀光洛浦調高
文園思盈書圃擢第金門淪軀泉戶未終千②俄成萬古弔
賓絮酒貞鉢卜筮風急長原雲伍荒埏佳城莫啓幽埏永闕
玄石圖徵芳塵不墜

予守襄郡之壬寅春席子介石于田塍間得古碑三石又
于臨漢門外得三石剔苔檢讀搨以示予一爲故唐功曹
參軍張公玄弼泊夫人氏合葬墓誌銘蓋漢陽王東之
父母也一爲處士景之則漢陽王之弟而功曹君之弟二

子一爲新定太守朏則漢陽王猶子其豫州郾縣丞孚河
南府參軍軫二碑一丁鳳譏一呂巖說譏則皆漢陽王孫
也字迹完好逼近積歲考其地爲樊西之長豐洲卽墓志
所云安養縣相城里之平原洲屢爲襄水所齧不復辨
墮矣憶古墓犁爲田松柏摧爲薪之句不禁黯然今六石
尙置樊城之跨鶴樓予以王有故宅在城外二里許後改
爲衍恩寺康熙間太守尹會一祀王于其中因名張公祠
則此石移置公祠廡下爲是事未舉適有武昌之行爰跋
數語識之俾人知數石當與羊叔子墮淚碑同爭不朽矣
羊太傅祠前向有石幢宋慶曆七年范文正諸賢題名其
上王阮亭過襄尙搨諸賢之姓名而去矧爲漢陽王父母
若弟若姪孫壙中物哉嗜古者尙共寶之

長白興
存

樊城郭西三里許今之長豐洲古屬安養縣唐漢陽王張
公東之祖墓在焉而無知者考郡誌秦漢時萬山以東漢
水之南爲襄境萬山以西漢水之北爲鄧爲鄖三縣均隸
於郡襄陽名縣自漢以來至今莫改鄖之爲縣不久卽廢
西魏中改鄧城爲安養唐天寶元年又改安養爲臨漢貞
元二十一年復改爲鄧城宋仍唐制兩縣分境而治南渡
後始省鄧城入襄陽安養舊界今難悉考嘉慶間猶見南
濱抵萬山里許泊漢水橫啮十餘年中內圮者十餘里道
光元年土人得唐時夏侯夫人梁君嘉運二誌石於水濱
觀察吳公移植鹿門書院士林寶之璘每過讀輒興感焉
今二月中同伯兄珩掃先祖墓尋視新淤舊地平野見誌
石八片迥非俗物詢之居人十許年前得於頽岸三遷而

後至此璘心竊愛之恐其再沒風沙而埋於後連屢商同
志七月望日始踵前約是日以他事過襄又見三石於臨
漢門外讀其文皆張氏墓中故物問所自則亦今二月中
漁夫得之北岸以待售者亟購之歸安置跨鶴樓誌銘篆
蓋共得石十一片其字不名一體皆可臨搨夫疆域有沿
革山水有崩淤古人立誌原以防滄桑之變易長豐洲廣
袤數十里其中墓石何止千百而先後出諸水者僅此數
片又皆張氏一門之物又皆爲璘見而集之是可異也新
唐書載王世系與荆襄二誌繁簡不同斯石記事半爲諸
書所失載張公功在社稷彪炳史冊府誌雖有墓在穀城
涓口之說而徵考實無確據此不能無闕疑焉道光壬寅

七月十七日記 壬寅二月余初見河南府參軍諱軫一

石鬱眼相過寶光煥然如新發硎次日視之仍如常石此一奇也次獲新定太守朏暨參軍軫與夫人合葬二石塵沙瀰漫封埋尺餘鄉人漫指其處一掘卽是此二奇也再獲益州功曹參軍芝弼暨處士景之豫州郾城丞孚三石於臨漢門外天方平旦余行本欲東若有人導之使西而遇斯石踰日余卽有千里遠行倘稍遲誤將恐不果獲矣此三奇也戊申所獲孝廉慶之秀士諱點穀城縣令諱曉三石展轉購求之艱難更僕數而已酉所獲將仕郎敬之一石河伯風伯若或爲助不先不後不入他手此四奇也其中篆蓋或先誌銘而出或後誌銘而出上下十餘年相去十餘里合之若符均爲一家故物則又奇中之奇者焉張氏聚族而葬其後更有出者不可得知獨惜王之長子

著作郎諱澗一石爲廣西臨桂孝廉唐子實購去海豐吳公子苾方伯爲余轉求而不獲此其闕陷之處又余之不幸也然余有此幸獲不過一時之偶遇竊願後之君子重其人珍其石登之誌乘相傳不朽則更幸甚咸豐元年正月人日又記

席方瑞跋

右張玄弼誌今在襄陽張公祠張氏諸誌先後出土詳席氏跋內世系表多闕謬分識於諸誌之跋而統係於此以資補正玄弼曾祖弘策梁岳陽王諮議參軍祖玠後周宣納上士隋巴州錄事參軍父則隋比陽澧陽二令玄弼六子長東之字孟將相武后中宗漢陽王謚文貞贈司徒次景之字仲陽次慶之字仲遠次失名次敬之字叔寒將仕郎次晦之左率府兵曹參軍東之二子長漪著作郎次嶧

滴四子長孚字孟信鄆城縣丞次懋左補闕誌作邠王
之官當仍據或非最後其舊稱

次騷荆府倉曹參軍次軫字季心河南府參軍

孚子眺軫子禪紹改名縉眺子迪嶧二子長愿吳郡太守

江南東道採訪使次點字子敬愿八子煦殿中侍御史弟

八子曛字繼明穀城令曛子珦瑀璪環景之子嶠嶠子述

晦之子朏字朏新定太守朏子回又表載東之之子有晉

州刺史琪者以珦瑀等名例之當是東之之子玄孫行又載

滴之子有某戶部郎中異大理評事者亦誤據誌滴無是

二子也又載有名纏者當卽曛之誤耳誌云閱閱遊宦

之資詳之碣文別傳則玄弼固有墓碑此其埋諸土中者

也碑碣不存或蹠毀於神龍年間趙德甫書載有東之碑

係貞元十二年所追立谷那律新舊書有傳魏州昌樂人

嘗爲國子博士遷諫議大夫兼弘文館學士冊四家四十
作冊黃山谷濱山巖詩二十作廿瞿氏謂詩體七字欠一
字便不成句此誌冊四家句與上五十五部爲對偶亦欠
一字可見古人不拘拘於是也貧卽貧字箱類與篋同義
委豐疑卽委宛撰文者李行廉官司元大夫考龍朔元年
改諸司郎中爲大夫二年改戶部爲司元光宅元年改地
官此誌尙稱司元者蓋行廉撰國朝墓銘尙在空南山之
時故無一語及其夫人道移與夫人合葬仍用前銘而東
之自加序文故云東之等不敢改易謹刊李銘也觀此又
可知序文爲東之所撰矣誌又云奉夫人遺誨使改卜新
塋府君先芝南山今移與夫人合葬於安養縣西相城里
之平原而景之誌云以大周天孫之三塋古⑤六⑥改卜

先墳於安養縣之西相城里則此誌之立亦在天授三年無疑永昌無三年永昌三年卽天授二年辛卯夫人卒於辛卯九月葬於十一月時用周正以十一月爲明年正月也武后以天授元年改國號曰周志書永昌不書天授標題稱唐不稱周東之誅武復唐之意已蓄於此時矣

處士張景之墓誌

存正書
在襄陽

□處士張君墓誌銘并序

君諱景之字仲陽功曹府君之第二子也沉默少言博涉史傳每慕於陵仲子之爲人好稼穡樂名教家無擔石之儲晏如也不應州郡之辟專以琴書自娛春秋卅有四以唐之咸亨四年十二⑤十二②卒於家子嶠志學而孤俯遠成立而

不憚禍俄隨桓化嗣孫逖歲在垂韶奠酌攸託望釐婦蘶遙
相葬附固乃哀纏中外痛傷心日者焉余與晦之以為小季
雖遠大幕同歸松城合魂蒸蒸有寄乃以大周而穢之三年
丙戌六月改卜先墳於安養縣之西相城里移諸兄弟並窆
於新塋之內青烏効告白紙速朽惟堯典與孝經共而長而
垂久乃爲銘曰念彼生涯循茲桓化川有闊水無停駕共
惜小季同歸大夜令範將煙霞俱遠儀形與炎涼並謝痛萬
始之不留獨汎瀾而長喟

右張景之墓誌在襄陽景之漢陽王東之之弟誌稱功曹
府君者卽因弼也云移諸兄弟並窆於新塋之內者謂慶
之敬之也景之及其子嶠其孫逖均可補世系表之闕具
因弼誌跋中此誌卽東之所撰因弼誌云惟東與晦僅存

喘息此云余與晦之以是知之文云大周天授而蓋題大
唐來之誅武之義已落於此三年正月卽二年十一月時
用周正也後三誌同有篆蓋題大唐故處士張君之銘九
字今未搨得

孝廉張慶之墓誌

周正

孝廉張慶之墓誌銘并序

舊篆書陽
文有界畫

唐孝廉張君墓誌銘并序

君諱慶之字仲遠功曹府君之第三子也儀形簡秀風神峻
整引義望於閭懷轉山泉於襟袖泛覽流略尤明左氏州辟
孝廉不赴燒金未就夢珠徵禍春秋冊有二以唐之咸亨四

享十⑤十七⑥卒於家以大周蘆槂之三垂面⑤六⑥與妻
京兆杜氏同改葬於安養縣面相城里君孝友之行有絕等
夷仁恕之情超邁群輩而伯道不嗣仲宣無後彼蒼首而孰
云報施援翰雪泣用銘幽埏其詞曰山以玉暉水因珠媚我
有明括蒸蒸開匱彼美仲子其心貞愿贈瓊化泣蓬舟遂遠
漢流東注驕岫曲盤棣野風急鶴原②寒扣櫬遺車惟兄惟
弟誰云不痛永絕遺體

右張慶之墓誌慶之亦東之弟世系表亦不載慶之辟孝
廉不赴而誌蓋仍題孝廉字非實也

將仕郎張敬之墓誌

昌平

唐獨社學彌亂鑒之誌

蓋家書陽
文有界畫

唐將仕郎張君墓誌銘

并序

君諱敬之字寔功曹府君之第五子也耿介不群文藻貫世率十一中書舍人王德平聞其俊材當時有制舉而下奇佚召與相見賦城上烏勒歸飛二字仍遺七步成篇君借書於手不盈跬息其詩曰靈臺自可依爰止竟何歸祇由城上令故向②輪飛王公嗟味乃推爲舉首文昌以其率幼第不入科以門蔭補成均生高第穎將仕郎非□好也遂與諸兄紬校經史專以述作爲務唐咸亨四年七⑤十六②卒於家春秋廿五大周而積之三季古④六②改窆於安養縣西相城里君未及婚娶膺嗣永絕著書無荷戟之童刺石闕鬻環之女孰奠惟弟紀德乃兄撫櫬操觚號咷橫集其辭曰楊童

不秀顏子本實妙跡參微神機人室嗟尔貞懿才高漢俠夢
蛟翻紙雕就散筆共陳車夜動馬振晨閒議深自覩古窮榮
崇禎徵斷石悲纏贈_草道行金素書留玉杯共漾池東驚驕
山南抱燭乘埋隨連城碎楚蘋颺風隱蒼茫_④緒仲子封子

胡惄忍子頃

右張敬之墓誌敬之亦東之弟表亦不載又案_之弱誌云
惟東與聃并存喘息此謚云執喪惟弟紀德乃兄則聃之
乃敬之第四兄其名無從考矣云紀德云操觚則此亦
東之所撰也竊謂慶之謚當亦東之所撰可意會而得之
誌述城上烏一詩可供早慧之典故

著作郎張渝墓誌

書正

唐故朝散大夫著作郎張府君墓誌銘并序

書
蓋篆

廷子愚述
唐故朝散大夫著作郎張府君墓誌銘并序

君諱漪字若水范陽方城人四代祖策從後梁宣帝入西魏
子孫遂家襄陽焉隨澧陽令謫則府君之曾孫皇都督安隨
郢沔四州諸軍事安州刺史諱玄弼府君之嫡孫特進中書
令漢陽王諱柬之府君之家子天縱明達家傳孝友質而能
史文而不華周舉成均進士擢第上聖屢封事一命懷州或
陞尉後應長材廣度科再轉洛州登封主簿糲肅幾甸望雄
嵩省累遷左補闕擢惟樊侯緝我袞職而狡童怙寵碩人之
萬多士側目莫之敢指君疾彼蠭政上害苗書帝嘉其言且

未能用除著作佐郎恩示累加實遠之也尋而盜有巨力將
生大變故我王父昇堂秉鈞勦其凶邪有以興復孤鼠何有
城社惟艱蓋老智謨之少壯使之內有獻納外則糺合匡宏
之力君叅半焉洎王父錫榮受封恩欲別開君邑王父辭曰
天飛聖也利見時也臣且饗竊漪何力之有焉帝曰曩在春
闈嘗見卿子敢言時事朕實嘉之今乃同昇諸公果集是績
真其兆也卿奚讓焉對曰同室協謀父子偕邑非典也父執
政子開封重嫌也恩實天降人謂臣何頃首固辭然後迺已
於是稍加朝散授大著作脩厥資也余後王辭廟堂恩拜卒
郡君表乞扶侍采蘭樊沔無災而太妃薨棟人欷々哀毀滅
性未卒哭終於倚廬嗚呼痛哉壯年冊有七君不永烈光克
稟彝訓膚變詞固翰飛天衢自祖及身皆秀才觀國遙源巨

浪三葉一枝故七泣官秩六承恩拜而典要有禮通變適宜
所居之政皆爲後式雖光塵混物而雅素恒真口絕薰味
心多禪悅非夫體合道而行中擢歟是昔希聲將登大用天
寶冥昧降矣鞠凶凡百君子靡不震悼夫人成紀郡君李氏
皇朝瀛州司法叅軍昭信之女也润淑且都柔嘉惟則詠采
蘋而服禮示斷機而流訓隙有翁駒津蕪藏山以開元廿年
十一月廿五日寢疾恒化於靖安里之私館春秋六十二歲
明年孟冬月才生魄與君合窆於相城舊塋王墳之甲從先
也子孚悲愴輒騁厯荆府倉曹軫叅河府軍事不幸早卒
先夫人云亡孚郾城縣丞悲邠王府掾白華半落綵衣長罷
陟屺奚望風枝結哀願不天早歲無怙伯父垂訓嚴君若存
惄生孤藐以至成立恩深罔極思報無階茹血申哀務傳家

政禮也銘曰

在筰雲雷邁屯華夏王祖伯父克勤宗社翼戴飛龍肅清天下君臣一合名器無假議搆于朝忠弃于野惟伯扶侍除官告饗太妃俄薨血淚文灑荼苦過制因渝大雅今則有之古所無也未謚忠孝空榮松柏非斯慟孝孰可悲□

右張漪墓誌并篆蓋蓋在襄陽知著作郎之爲漪而誌石藏桂林唐氏後轉索得之而銘蓋俱全誌首行有姪子愿述字是撰文者爲張愿漪之從子也新唐書張柬之傳以愿爲柬之之子宰相世系表以愿爲漪之子二者互異而皆誤也漪四子表失載孚名表脫漏甚多已詳張玄弼誌跋此誌敘先世云四代祖策從後梁宣帝入西魏表作弘策字真問衛尉卿洮陽閔侯誌僅言策者避太子弘諱猶

袁弘機之稱袁機也表不吉魏者當是魏未受官之故張

點誌又云六代祖策去西魏自南齊遷宦奔葉因家樊沔

表不言齊與不言魏同張軫誌又云五世祖策隨梁北歸
寓居襄陽因爲此土舊族詳略各殊尙無不合張曠誌又

云五代祖策梁岳陽王諮議參軍贈持節蔡州諸軍事蔡
州刺史則與表所稱衛尉卿洮陽閔侯者不符當以誌石

爲正漪舉長材廣度科見於玉海終唐之世膺是選者只
漪一人唐時制科名目不下六十餘選舉志不具備也誌

云狡童怙寵云盜有巨力云勦其凶邪有以興復卽誅二

張事考東之引疾在神龍元年新書傳云漪以著作佐郎

侍父襄陽誌云表乞扶侍與史賄合惟據誌已授大著作
而傳猶稱佐郎是新書之誤舊書傳無佐字誌云無幾而

太妃薨又云未卒哭終於倚廬是漪之卒當在元宗初年
此誌立於開元廿一年者因其夫人李氏合葬而追述之
也舊書傳云東之特授襄州刺史又拜其子漪爲著作郎
令隨父之任東之至襄州有鄉親舊交抵罪者必深文致
法無所縱舍子漪情以立功每見諸少長不以禮接時議
以爲不能易貶是之剽性焉誌云疾被蟲政上告苗書是
漪亦錚錚有聲者向非此誌之顯於後代漪亦徒有惡名
矣誌用詩句顧人之萬考毛詩作過韓詩作饑此作萬或
本於齊魯兩家可補引經異文之一條說文無萬字又可
知過萬同字當用過爲之也案當卽券字通變適宜變字
添註於通適二字之間而雅素恆眞上衍一而字口絕薰
味薰葷之古通儀禮士相見禮膳葷注云古文葷作薰漢

霍去病傳所獲葦允之士注云葦與薰同文選養生論薰
辛害日注云薰與葦同又禮記內則注一熏一廁卽一薰
一蕕而釋文云薰本作葦亦一佐證

河南府參軍張軫墓誌

書存正

唐故河南府參軍范陽張府君墓誌銘并序

呂巖說撰

君諱軫字季心其先范陽方城人也九世祖貞仕宋南徙五
世祖策隨梁北歸寓居襄陽因爲此土舊族先考滴朝散大
夫著作郎大父諱柬之特進中書令漢陽郡王曾大父諱玄
弼益府功曹贈都督安隨郢沔四州諸軍事安州刺史皆諸
侯之選朝廷之良矣君著作府君之第四子也孩而歧嶷少

而穎亮卓犖機鑒汪洋德聲人難其才共許遠大年九歲以
母氏宿願固請爲沙門自削髮緇流持衣紺宇內求三藏之
實外綜六經之微蹕其_玄鑄得其深趣蓋以爲攝慧乘者良
已以_弘物知理道者從義以適權況乎祖之謀孫初聞遺旨
兄之誠弟再有忠告者或所以曳長裾遊太學不詔不黜爲
寵爲光尋以進士甲科拜河南府叅軍事叅彼都蠻萬方是
則分茲奉邑四海能均雖曹參以獄市畱心魯肅以國倉濟
友未足侮於古也春秋廿有六以開元廿年六月五日因調
邇疾終於洛陽陶化里之私第禍霑霜露顏圓之才不幸歟
興蓮凡孫楚之涕無後哉開元廿一年十月十六日改祔于
本郡安養縣相城里先祖之舊域禮焉君立身謙和爲性孝
友兄弟溫如也鄉黨穆如也始以甘脆靈奉至行樂於晨昏

終以醕釀養閑深仁絕於彊血斯志固不可得而言已嗣子
緝紹等風訓有紀義方成素其在哀疚遠近傷之嚴秩自衡
闡道由襄漢撫孤以喚咽跂楊塚而遲迴漬絮非馨柔毫
可與永惟陵谷無□丹青詞曰

堂々乎張川岳降神文華經國孝友謀身我才以通我命以
屯三魂爲主四體爲賓古樹蒼々幽火燐々冥漠千世悲涼
萬春樊鄧之郊周楚之津紀此因□知予故人

右張軫墓誌誌稱軫官河南府參軍與世系表合鋟字不
見於今字書蓋卽局之俗體爲寵爲光卽詩之爲龍爲光
也可補入詩異同考詩長發何天之龍箋云龍當作寵大
戴記引正作寵易師承天寵也釋文云寵王肅作龍皆其

佐證

秀士張點墓誌

書
序

唐故秀士張君墓誌

并序

君諱點字子敬其先范陽方城人也軒轅錫族司空分派繁衍光大自北徂南九代祖貞從西晉入東晉六代祖策去西魏自南齊遷宦齊葉因家樊沔祖漢陽郡王中書令東之佐命元勳建封立廟服器有其子孫其昌父蟬則王之第二子君則王之第七孫渥注蹠又有權奇也丹冗紲羽異鷩翥也學詩學禮舞象舞籥克孝克溫日肅日厚成童未冠遘疾而終誰與聰明不假眉壽先天二年八月十六日歿于私第時年十七開元廿一年十月十六日改殯于安養縣西祖先墳禮也祔祖廟祭也嗚呼哀哉君之兄駕部郎中愿痛萼趺之

不祿悲涕泗之無從銘曰

陟彼先塋東西遙之伊何君子左右位之成童備德痛幽闊
之棠棣之華上春墜之

右張點墓誌點東之之孫嶧之子愿之弟也宰相世系表
不載其名誌敘先世云九代祖貞從西晉入東晉據世系
表所載點之九代祖名興不名貞又別無名貞者此與表
異張軫誌亦云九世祖貞仕宋南徙軫於點爲同祖昆弟
疑表有誤然此云入東晉彼云仕宋所述尤復異辭據表
所載仕宋爲濮陽太守者名次惠於點與軫爲八世祖亦
不脗合闕疑可耳又云六代祖策去西魏自南齊案策表
作弘策係點之五代祖漪誌稱四代祖軫曠二誌並稱五
代祖此作六者誤又表載仕齊爲鎮西將軍者乃弘籍非

頤策也蓋亦誤矣座于私第之廢當是卒字之誤

郾城丞張孚墓誌

存有界
格正書

唐故豫州郾城縣丞張君墓誌

并序

姪禪述

君諱孚字孟信其先范陽方城人也曾祖國彌益府功曹贈安隨郢沔四州諸軍事安州刺史祖東之特進中書令漢陽郡王父滴朝散大夫著作郎公著作之元子幼而明敏長復刪斷年十八以門資齋郎常選廿而孤神龍後謫訛聞豐家遇屯剥今上發極昭洗舊冤舍門長幼悉皆拜職君授隨州司倉叅軍泉負是司出納惟允邦君坐嘯邑吏行謠旋屬搜察劉商有怨先子誣以他事免君職焉君曾無愠容退返初

服婆娑里閈不以屑懷無何五嶺塵飛將軍授鉞吏牋之榮
君能贊謀獻捷之辰疇庸是宜弃瑕錄用復拜豫州郾城縣
丞焉此縣陳宋之衝淮河之會舟車輻委寢盜肩隨君正色
臨人剛腸疾惡奸豪服栗伏竄他境而渠魁十輩猶離跂於
其閒君乃設擒伏之科正繩愆之准擒之匪日聚以殲旃蕪
蒲中清大不夜吠復丁家難去職以開元廿八年六月十四
日遘疾終於故里私第春秋五十有八

夫人呼延氏故亳州鄒縣令謀之女備習禮法潔羞蘋蘩事
姑以孝訓子能慈後公喪十四日終於私寢嗣子繼旣及壯
年先秋徂謝孫廸承其祀焉詞曰

餘慶未已厥生君子位不充量沒恨泉裏其一夫人禮則當時
見美同穴茲辰徽音用紀其二

右張孚墓誌姪繹撰文學漪之子繹軫之子孚子祧繼子
迪世系表均失載已具前跋地理志郾城屬許州此誌云
豫州郾城縣者長慶元年始以郾城隸許州也志於郾城
下云武德四年以郾城邵陵北舞西平置道州貞觀元年
州廢省邵陵西平入郾城隸蔡州案貞觀開尚稱豫州至
寶應元年始改爲蔡州此誌立於開元廿八年故稱豫州
郾城縣焉後此四十年復置溵州又後五年乃廢溵而隸
蔡州又後四十五年乃隸許州

河南參軍張軫妻邵氏合祔誌

有界格
存正書

唐故河南府絳軍張君墓誌并序

鄉貢進士丁鳳撰

君諱軒字季心其先范陽方城人也會祖玄弼皇秀才擢第
拜長安尉益府功曹贈都督安隨郢沔四州諸軍事安州刺
史祖東之秀才擢第宗社艱難時危反正特進中書令監修
國史上柱國漢陽郡王本州刺史食封七百戶碩德金章勳
庸茂績傳諸國史備列先碑父漪秀才擢第朝散大夫著作
郎佐父潛謀亂安漢室建議如昌功亞朱虛侍歸
踈受君則著作之第四子聰含誕孕度積公忠體峻晴峰神
高秋色傅母紫乳羶腥靡嘗岐嶷有成詩書便覽往昔中宗
復辟邪黨構端大父被奪鳳池歸來典郡見君性不食肉幼
及成童奏爲梵苑沙門配居龍興精舍載雖及紀材必爲時
君謂釋門之道也祈沒後之因儒門之教也救當今之弊脩
惠狹於善已濟廿博於蒼生返初服於巾簪捨縉流而冠帶

屬天波昭濂祖曆立宗支子後班大才誰繼喟然曰吾當擅
鴻筆取青紫卽胄太學擢秀才無何拜河南府絳軍以秀才
有後也況官系河尹攝綰府曹墳藉文章儒宗墨客虛心待
士散俸歸仁餘慶未融斯文乃喪味不知安以逮于終以開
元廿年六月五日適疾不祿於洛陽陶化里私第春秋卅六
嗚呼知音者莫不云變風雅之篇什裏江山之清潤方經闕
而可大尚沉跡而未尤痛昭世之早辭乃邦家之殊瘁有集
三卷行於代

夫人安陽邵氏備佩針管脩繫紩細事姑側廳於鷄鳴作嬪
潔羞於茹荼訓子得義方之蠱嫡居存師傅之儀早歲專德
於公官晚載脩心於釋典以天寶四載六月十七日寢疾終
於故里私第享年卅有九越天寶六載十月十二日合祔于

安養縣相城里先祖之舊塋禮也。嗣子曰繹曰：縉染々相撫哀々相次。愷悌孝友閑禮言詩既積學而含章亦高墉而射隼女也。事夫終遠弄瓦存卑相對悲號皇々。慕將題實錄用敘哀詞銘曰：軒轅垂裳支襄分張子孫范陽奕葉全昌。宦遷徒茅社金章其猗歟君子炳靈代邈文章宮徵弱歲異此不食于肉歸於釋子其飄飛國庠擢秀明駁繼業照芳叅卿洛陽嗟乎中折梁壞人亡其夫人婉德禮全內則母儀柔克嗣子食國駕馳文墨呱々相向銘誌將勒其四

辛丑春道出樊城適門人張子黼司鐸襄陽夜渡漢水過訪出唐碑拓本九紙見貽皆張漢陽先世暨裔孫墓誌蓋張氏族葬漢岸道光十二三年間漢水齧蹋岸阤土人獲九石移之漢陽王祠字跡完好未經推砌也故自來收藏

金石家皆未著錄此三紙乃其中幅之最小者無書丹人姓名而筆法迺媚唐碑之絕佳者可寶也

吳文
塔跋

右鄉貢進士丁鳳撰河南府參軍張君墓誌張君爲漢陽郡王東之之孫諱軒字季心著作郎濤之第四子誌謂軒性不食肉成童卽奏爲梵苑沙門配居龍興精舍後天波昭淵祖廟立宗乃返初服卽冒太學舉秀才拜河南府參軍雖易繙爲官仍復茹素故誌有味不知肉以逮於終之語開元二十年終於洛陽陶化里夫人邵氏後十四年至天寶四載乃歿越二年合塋於安養縣祖墓按安養縣隋屬襄陽郡卽今之襄陽縣也碑以度作慶矣作肉與史晨後碑音酒羨肉之肉又異

十二視齋金石過眼錄一按張

誌已編錄此其夫人合葬之
誥也敘草事蹟兩記同惟此見云選士甲科前誌云擢秀才爲異耳前誌云劉子卿等此誌云劉子曰經田錯

續當卽紹之改名者世系表均不載地理志襄州鄧城下
云本安養天寶元年曰臨漢此誌刻於天寶六載猶稱安
養財志謂天寶元年改者未確矣宋古內字見於淮南子
吳越春秋諸書漢碑又作宋本州下缺一字據史知是刺
字補訪碑錄載張軫志不注撰人名而以此志爲張軫弟
二志標題矣復以軫志撰文之呂巖說註此志之下而顛
倒其名誤之誤者也

新定太守張朏墓誌

存正書閒涉
行體有界格

大唐故張太守之墓誌

蓋分書

唐故太中大夫守新定郡太守張公墓誌銘并序

公諱朏字朏其先范陽人也曾祖則隨毗陽縣令祖玄弼皇益
州功曹叅軍贈安州都督父晦之桂方巨字左率府兵曹參

軍伯父東之中書令漢陽郡王贈越州都督狀危宗社勳庸
太常初公父早亡伯父進養諸呂殊滅大漢分圭茅玉錫封
奏公授職詔授荊州參軍後韋氏臨政廸變爲蛇公授撫州
參軍累貶也又試太子通事舍人未復也又授將作監主薄
再太子僕寺丞太子文學檢察浮費可供輿馬黃中有理堂
上村頭轉宜州司馬邢州長史朝散大夫涇州別駕鶴來峰
海朱綴加榮輿舊見題佩刀是贈又拜梁州刺史涪陵郡太
守零陵郡太守臨川郡太守新定郡太守蜀山雲平非無叱
馭湖水天浸豈憚洪波江南塘采菱之詞成中和之曲新安
逢江水見底比清鏡豈如太夫人韋氏安府戶曹玄寶之女
封鴻翊縣太君子貴也板輿侍奉豈獨長蓮東征有詞何慙
舊賦公稟休和之氣降山岳之靈忠孝事於君親愷悌施於

邦國惜其大位未繼泉路謚隨以天寶十載六月廿四日遇
疾薨於新芝郡官舍春秋五十有六諸侯之禮國典備儀道
路有瑞鹿隨車黎人悲父母笑若夫人隴西李氏隴西郡君
夫榮也刑部尚書胤祐之孫相州堯城縣令昭禮之女中書
令昭德之姪女能事組紩明闋詩禮令德贊於從職汎善穆
於宗親天乎降灾殞斯貞嚴以開元廿一年八月三日先公
而亡以天寶十二載八月廿六日合葬於臨漢縣平原禮也
嗣子聞寺樂樂森容哀哀相次迺馨香其實錄將刊刻於邑
詞銘曰

猗公命氏俾乎邈遐勳庸列上雖體分龍世業弘大忠孝潤
嘉官政多歷斯綏光華沂海可詠專城累加天道不憖梁木
空嗟其夫人隴西寃惟公族尚書祖理中書伯錄體德柔順

瑞姿令潤如月之皎如鳴之育內則事姑齊詩在祿誰謂奉
倩先悲瘞玉其二嗣子樂樂矣不滅性稟孝純至孰容瘠病哀
號泣血象設惟命毋訓義方慎終善令女也權毀施于莊敬
樹斯文於不朽紀勳業而貞心其三

右張朏墓誌在襄陽誌敍朏之先世云曾祖則隋比陽縣
令與世系表及張漪誌稱澧陽令者不同張曠誌又稱比
陽澧陽二縣令蓋先令比陽後令澧陽此稱比陽於例不
合隋書比陽屬淮安郡後魏曰陽平開皇七年改饒良大
業初又改今名比阤之本字楚辭朝寒阤之木蘭兮謝朓
詩阤山起朝日廣韻阤山在楚南說文無阤字今得此及
張曠誌知阤字古人作比後人加阜旁耳又云父晦之桂
方正字左率府兵曹參軍世系表失載東之贈越州都督

亦不見於史傳當是後來追贈莫考其時或卽在賜謚文
貞時也又云夫人隴西李氏相州堯城縣令昭禮之女世
系表乾祐下失載昭禮可據此補之表稱丹陽李氏此稱
隴西者從其朔也隴西四房一武陽二姑臧三燉煌四丹
陽也又云嗣子回等則臚之子不獨一回故銘詞內有如
鳴之育語然不可考但補一回於表而已詳具芝彌誌跋
又案諸誌皆云葬於安養縣而此獨稱臨漢者天寶初所
改名也

襄陽郡張君誌蓋

存篆書

血肉膚髮骨殖君歸我歸

蓋篆書

大唐襄陽郡張君墓誌

右張君誌蓋在襄陽此漢陽王之族人不系官爵蓋未仕

也張氏諸誌中無爵者不少無庸強定爲何人按襄陽張

陽房城首太傅華後四傳至安之祖居襄陽遂爲鄉族今新書世系表首列安之張氏諸志均據張策今據以立

表以補世表之闕

附張氏世表

弘策

則

彌

東

子

紀

迪

梁侯之子
梁侯之子
梁侯之子
梁侯之子

隋上士宣
巴州刺史
世子
濟陽二年

長安縣
相武后

武后
孟將軍

武后
武后
武后
武后

武后
武后
武后
武后

武后
武后
武后
武后

唐南
南監
本校
作今
據志
補志
與張
合志
張志
合志
安州
諸軍
事史
安州
都督
府司
主簿
郎

隋
紀
濟陽
二年
功曹
府益
府
司
主
司
主
司
主
司

文
貞
謐
謐
封左
主簿
郎

洛陽
京
有
臨州
志

長子
子
立信
撫張子
撫張子
撫張子

子
志
補
志
志
志
志
志

陽令

校安今據都志據安今校
都督補張軫張刺事州河督補張縣行志
督安志入睡張澗史安諸郢安贈顯嘉長石

舉有之官最後
據前今方志

軍河騎轉曹荆澗騶據都左閼世澗
南四參子府三補張府補表左王次
參子軍倉子

紹志據軫緝
張子
軫

子東之次
蟬

據陟采十東慕部刻十曹部蟬
張使訪四道江太史一夔郎子
璫臨州二南守吳州等中駕

石毅軍錄有字蟬御史
今接城襄事神繼八子
存志令州交武明子

璫璫玉珂璫長子

名蓋又作紹
軫又作紹
志人夫
據張
次子

志陽子園景
有字弼
今按仲二之

之景嶠
志據之
補景子

志據嶠遂
補景子之

據有字點子
補今按子
存志敬

續誤世表作

誤舊人尉爲世東傳書其志不壽四子
書作而卽壽孫之五年開五官不壽安
不僚環此安僚四詔成王新詳校安

季正子固晦存志郎子固敬
府字桂弼有將弼今按孝弼
兵左方六之今按仕五之存志廉三之

太州荆購膚
子參州之
通軍撫子

志據膚回
補張子
膚

曹
忠弼
六
志
據
參
軍
子
子
子
子

將
事
舍
主
簿
作
司
馬
僕
太
監
入

州
刺
陵
駕
濟
長
史
州
別
史
邢
州
寺

據
有
某
戶
晉
州
刺
史
以
理
評
事
游
名

例
之
當
中
可
見
者
均
表
出
世
表
尙
有
琪
晉
州
刺
史
以
理
評
事
游
名

石
川
零
太
守
新
陵
涪
州
別
史
邢
州
寺

金泉寺石幢刻字

佚

寺在德安府西五里有石浮圖九級上鐫數百字周武后
延載元年安陸長孫達等所建

輿地碑記用

襄州靜貞觀碑

佚

大周靜貞觀碑何彥先

原作光

撰正書無姓名登封元年二

月立

金石錄

周襄州靜貞觀碑何彥先撰登封元年立碑在府中武后時碑也

輿地碑記用

蔡女仙者襄陽人也幼而巧慧善刺繡鄰里稱之忽有老父詣其門請繡鳳眼畢功之目自當指點既而繡成五綵光煥老父觀之指視安眼俄而功畢雙鳳騰躍飛舞老父與仙女各乘一鳳昇天而去時降於襄陽南山林木之上

時人名爲鳳林山後於其地置鳳林關關南山側有鳳臺
敕於其宅置靜真觀有女仙真像存焉云晉時人也

仙傳拾遺

旌表尹孝子碑

佚

不著書撰人名氏闕文凡十二字曰大唐孝子四葉旌表
尹仁恕闕其後有記仁恕曾祖養伯字嗣宗祖忤字守忠
父慕先字冬筠仁恕字南金皆以孝行被旌表仁恕闕以
天寶五年立

集古錄目

孝子尹仁恕旌表闕文行書

金石錄

張柬之文萬歲通天二年立今在府中

輿地碑記目

尹仁恕曾祖養伯父慕先一門四闕

小學綱珠

尹氏四世孝德唐書弗載其兄于諸書者亦互有異同養

他書皆作嗣宗憇字守忠一作守均慕先字冬筠一作恭
先仁恕字兩金一作南金未詳孰是又元人重建尹氏孝
德記及襄陽府志止載憇以下三世事蹟惟萬姓統譜首
列嗣宗始備四世惜不得張文貞記一考正之也

金石存
佚考

荊州大崇福觀記碑

佚從文苑
英華錄文

維大周揖讓受唐有天下十載施化育德揚光顯仁天下咸
和中外胥謐僊門法鵠擇固不輕聘若無上太祖孝明皇帝
神明睿哲龍德而隱君子勿用王一作我諸宮歲蕤春風肅
深時雨諱歌歸之允矣太王王季岐鎬之漸也於戲西伯潛
聖而遺其三齡故我太祖始安財處順乘彼自雲以歸帝鄉
方域之人嗟咨涕淚靈魄罔邁迺以珠襦玉匣閼茲衣冠穀

林方崇喬山未掩龍輶梓寢在茲觀者七月焉辭滅化比顏
塗暨積逮皇帝順人樂推鳳翔虎變追革顯號宗祀于明堂
躍誠疑作試易或
躍淵自試也所歷莫不昭晰一作晴寵光也張史弘農楊
元睽雅量川溶貞節獨立有倚相墳典之博子義增名之忠
遂稽皇圖徵文獻以爲會稽之廟大庭之初其事上矣乃表
上遺蹟祈飾山階司賓卿于惟謙地官主事魯元傑咸經沐
浴邦憲昇官周京亦恢廓徽猷任佐誠請時皇帝方垂拱璇
淵之中以思太化故書奏不答道士孟安排者元稟真骨記
上階黃裳羽袂囊中竊感蒼梧遺化長沙舊寢不可以不昭
明一作發聖世復重理前狀伏奉闕下至於再三天子乃憫然
遷思遐慮旌別斯觀錫名曰大崇福焉時龍集己亥聖曆之
二年也翌日又優制褒崇特降銀榜仙書鳳篆飛集王官

宮天文昭回瑞我鄖郢則有踰岐山越梁境梯衡霍浮瀟湘
蠻荆門麗江徼莫不翼載抃舞藻雪心日者已安排乃喟然
嘆曰道惡乎在名惡乎在茅茨文軒未始離也朱宮因園未
始乖也損之而又損之思乎思無爲而無不爲知乎知則我
何拘於常見哉而不謂熙帝廟也遂經玄都爰伐琴瑟作爲
仙觀之宮文彩構櫨礪硯砌階櫨棋森鬱以宏藻井龕施天
開瑤瑩躋於上清銀闕表於中界高步元雲肅然靈風秀鬱
紫陽之天也然後璇題顯曜金格道相朝浮彩雲夕泣清露
眇哉邈乎信皇靈之所感發矣蓋金簡玉牒可存而不可知
崑崙方壘可聞而不可階也猶且曰道錄貴乎真經況皇明
帝載昭鑠日月而已乃刊作記以傳罔極

陳子昂撰聖廟二年崇福觀未詳所在

金石存佚考
舊唐書樊士義傳
按

及新書外戚傳上跋字信世并州文水人武德中恩荊州都督貞觀九年卒咸亨中贈太原王光宅元年九月追尊爲魏王十月追諡忠孝永昌元年二月尊曰周忠孝太皇天授元年九月追尊曰太祖孝明高皇帝長壽二年九月追尊曰無上孝明高皇帝先天中詔削士毅爵仍爲太子原王此當武后革命時張良等以士毅嘗都督荊州希旨上請立觀建碑而作

玉泉寺大通禪師碑

存分書
在當陽

唐國師玉泉寺大通禪師碑

中□□□□范陽張說文

黃門侍郎范陽盧藏用書

上二行在
標題下

譏夫扶四大者成乎身矣立萬物者主乎□□□□□卽身見空始同妙用□非實也觀心若幻乃等眞如名數入焉妙本乖言說出焉眞宗隱故如來有意傳要道□持至德萬

劫而付灤印一念而頓受佛身誰其別之實大通禪師其人也禪師尊稱大通諱神秀本姓李尉氏人心洞懸解先覺身長八尺秀眉大耳應王伯之象合聖賢之度少爲諸生遊問江表老莊四旨易大義三乘經論四儀說通訓詁音參吳晉爛乎如襲孔翠玲然如振金玉旣而獨鑿潛發多聞傷弛逮知天命之年自拔人間之卉企聞蘄州有忍禪師禪門之源歸也自菩提達摩天竺東來以灤傳惠可可傳僧璨璨傳道信信傳弘忍繼明重相承五光乃不遠遐阻翻飛謁詣虛受與沃心懸會高悟與真乘同嚴劃捐妄識見本心住寂滅境行無是處有而成卽然燈佛所無依而說是空王灤門服勤六年不捨晝夜大師歎曰東山之灤盡枉秀矣命之洗足引之並坐於是涕辭而去退藏於

密儀鳳中始隸玉泉名在僧錄寺東一里地坦山雄目之曰
此正楞伽孤峰度門蘭若蔭松藉草吾將老焉雲從龍風從
席大道出賢人覩岐陽之地就去成都華陰之山學來如市
未云多也後進□以□□有趁四禪昇堂七十味道三千不
是過也爾其開灤大略則專念以息□□力以攝心其入也
品均□□其到也行無前後趣定之前萬緣盡開發惠之後
一切皆如特奉楞伽遙爲心要過此以往未之或知久□年
禪師春秋高矣□□而來趺坐觀君肩輿上殿屆萬葉而稽
首洒九重而宴居傳聖道者不北面有盛德者無臣禮遂推
爲兩京灤主□□國師仰佛日之再中慶優_量之一現然□
都邑□其祕旨每帝王分座后妃臨席鶴鷺四帛□□□繞
時熾炭□□□嚦而心降時□飢投味□告約而義領一

雨薄□於眾緣萬籟各吹於本分非夫安往無畏應變無方
者孰能□□乎聖□□宗□□代積當陽初會會之所置寺
日度門尉氏先人之宅置寺日報恩軾聞名鄉比德非儻局
厭諂輦長懷虛壑累乞還山既聽□□□□憊無他患苦
報散神全形遺力謝神龍二年二月廿八日夜中顧命扶坐
泊如化滅禪師武德八年乙酉受具於天宮至□□□□□
□於此寺蓋僧臘八十二生於隋末百有餘年未嘗自言故
人莫審其數也三界火心四部水背棲崩梁壞雷慟雨泣凡
諸寶□□□□□故其喪□□□視□詔使弔□侯王歸贈
三月二日冊謚大通展飾終之義禮也時厥五日假安闕塞
緩反葬之□□□宸駕臨□□□□□□伊水羽儀
□設至山□仲秋旣望還詔將下帝諾先許冥遂宿□□□

卿□□□□城門郎護監喪

葬

□槐登高停蹕目盡迴輿自伊及江扶道哀候幡花百輩香

雲千里維十月發生□□舊居後崗安神□□□□□□□□

□□□巨鐘是先帝所鑄羣經是後皇所錫金榜御題□典

□□塔寺尊遠稱標絕初禪□□□□□南□日氣積

晦於禪山繁蓮寄生於□樹則雙林變色泗水逆流至人違

代同花異□□□哭也在龍花□設大會□□□□□□□

□□□□□□□道場如□會時萬□菩薩乞施後宮

寶衣盈廂珍價敵國親□□□□□巡香其廣□□因存歿

如此□□□□□□□□□□□□□□□□□□□□□□□□□□□□□□□□

失恨踊塔之遲開石城之歎也不孤廬□□□□□作窟□

□□貧之論夫子也□□□□不□□□□□□□□□□□□□□□□□

廣深強名無以慰其心銘曰

樂不入度門孰探灑要口於禪口功口名假詣無口爲父爲師露清熱惄光耽昏疑冀將住口過口去之口我口覺念蒸狂口敢告無學

馬案右碑連額高八尺九寸寬四尺七寸五分在當陽城西二十三里度門寺內大殿次間題云中書令燕國公范陽張說撰文黃門侍郎范陽盧藏用書係八分額正書大通禪師之碑六字其文共一千三百十九字今存八百零七字惜後半盡已漫漶無年月可考碑云禪師於神龍二

年二月二十八日化滅是年仲秋既望詔太常卿鼓吹導引城門郎護監喪葬槨舊唐書方技傳神秀姓李氏汴州尉氏人居當陽山則天聞其名敕置度門寺以旌其德中書舍人張說嘗問道執弟子之禮卒謚大通禪師又於相王舊宅置報恩寺岐王範張說及徵士盧鴻一皆爲其碑文今岐王盧徵士之碑不可得而說所爲碑文巍然獨存是可貴也又張說傳云元宗卽位召爲中書令封燕國公是碑結銜已稱燕國則立碑之年在先天以後矣又文苑英華唐文粹載此文有與碑互異之處豈入石後復有改正耶唐尉氏縣隸汴州陳留郡碑稱師爲陳留尉氏人與史稱汴州其義一也

湖北金石詩注

右玉泉寺大通禪師碑在當陽禪師諱神秀姓李氏舊唐

書有傳稱神秀以神龍二年卒有詔賜謚曰大通禪師岐
王範張說盧鴻一皆爲其碑文此碑卽說所撰也碑後半
已殘泐前半完好大略如傳所言

平津讀碑記續

右玉泉寺大通禪師碑張說撰盧藏用分書在當陽縣西
廿三里度門寺訪碑錄謂在荆門者非神秀卒於神龍二
年二月至十月而反葬未見立碑年月訪碑錄作開元十
年四月案張說署銜尚存一中字盧藏用署銜稱黃門侍
郎考張說傳睿宗卽位遷中書侍郎景雲二年轉尚書左
丞罷知政事盧藏用傳景龍中爲吏部侍郎遷黃門侍郎
轉工部侍郎尚書左丞是此碑之作當在景雲初也傳又
云先天中坐托附太平公主流配嶺表太平賜死通鑑書
於開元元年傳又云開元初起爲黔州都督長史未行而

卒尤不得系以開元十年矣豈作此文後越十年而始入石耶然不見於碑不知孫氏所據姑以撰書人署銜爲證次於先天之前碑末有小正書一行曼惠無開元字是後人所識非當時原刻也輿地碑記曰荆門軍有玉泉山大通碑云唐神武皇帝所題孫氏系諸開元謂在荆門或卽因此惟此碑並非御題當是別一碑大通碑固有三耳神秀舊書有傳碑載較詳傳云汴州尉氏人知碑尉氏上所缺爲汴州二字傳云於相王舊宅置報恩寺碑云尉氏先人之宅置寺曰報恩與傳不同豈一在長安一在汴州均以報恩名額耶神秀於武德八年受具至神龍二年怛化爲八十二年而前云逮知天命之年自拔人間之世則出家時年已五十春秋實一百三十餘年也傳又云中書舍

人張說嘗問道執弟子之禮碑文適在泐處故有□貢之

論夫子一語又案訪碑錄長安年亦有此碑誤也

西城令息梁嘉運墓誌

崔正書
在襄陽

吊弔

蓋篆書
陽文

大唐故朝散大夫金州西城縣令息梁君墓誌

公諱嘉運字子安定人也溫潤怡儀恭懃令譽隨尊巡翟從父亨鮮勝思父場遊神學闡不意生災鬪蟻禍及巢鷩積善無徵乃纓沉痼至德章三年歲次庚午三月乙亥朔廿一日乙酉遂疾終于襄陽縣之私第春秋卅四夫人穎川陳氏隆州長史之女也芳儀春正質茂寒松六行莫僭四德無爽既

而奔駒易往浮箭不留春秋七十有五以長安四年八月十五日卒於安養縣之私第以景龍三年歲次己酉十月甲申朔二日乙酉合葬於襄州安養縣界平鄉懷德里之原祿也有恐桑海遷變遂化墳乃崇墓胥遂銘其石詞曰

隱隱遙源坦坦平趾矯矯廬陵含章傑起道有虛盈人非金石秋去墳孤春米草積白日徒照玄屏詭闥

道光元年秋襄水北岸坼壞古墓甚夥碑石率散佚僅訪得此碑及夏侯夫人墓誌有唐碑碣荆湖存者蓋寡茲得二石是可寶也因請移置鹿門書院庶其傳之久遠亦以告後之好古者隨時採訪焉吳式芬跋此刻碑額左右

校梁嘉運墓誌嘉運爲西城縣令之子題書父官誌不複敘與長安三年尚直墳墳銘同例舊唐書地理志山南西

道金州舊領縣六西城漢縣州所理山南東道襄州舊領縣七襄陽漢州所理鄧城古樊城也宋故安養縣天寶元年改爲臨漢貞元二十一年乃改鄧城元和郡縣志臨漢縣本漢鄧州地古樊城仲山甫之國西魏於此立安養縣屬鄧城郡周天和五年改屬襄州天寶元年改臨漢縣此誌景龍三年尚爲安養縣也誌云字子安定人也定乃定字別體元和姓纂梁氏安定望安定連讀則字子二字殊不成文或作字子安安定人有兩安字而書者脫其一邪

金石續編
考通鑑目錄是年月朔二甲辰丙癸卯高宗本紀是年三月甲戌改元咸亨是甲戌爲三月朔乙亥乃是二日誌誤也又通鑑目錄景龍三年十月癸未朔與此亦不合此誌與趙夫人夏侯氏誌同時出十月日幹枝均有舛錯何邪
賴川陳氏續編作賴質茂寒松續編作茂質定作定从古文正合於六書之指與是同韻作勢詳作聲像作聲均俗

譽作
譽俗省
易作
易殊謬

金石志四